

北京圖書館
編

北京圖書館藏家譜叢刊

閩粵（僑鄉）卷

北京圖書館出版社

節堂祖世德堂祠址圖

吳堯階繪

北京圖書館

編

北京圖書館藏家譜叢刊

閩粵
(僑鄉)卷

第 32 冊

北京圖書館出版社

節堂祖世德堂祠址圖

吳亮階繪

節堂陳公祠

彥聲公妣節婦黃氏傳

節婦黃氏爲聯芳公之配出本邑再初鄉性聰慧其伯父廷俸邑名諸生也嘗誨之以大義唯唯樂聽必詳究其始末年十九歸聯芳公三載而寡祇生一女方在妙齡絕無他志每對人曰祖氏之所以娶我者爲承先以啟後也今夫已亡我又無子義當從夫地下然翁死未塋姑老在堂繼嗣弗立何以謝責於是請於姑鳴於族擇諸侄中可繼名譽者爲後加意撫養延師教督譽亦克成厥志名列膠庠氏而後喜可

知也迨姑卒致情盡禮與翁合塋於金釵塢營墓立碑極其完固當疾革則曰我四十年偷生於人世者欲代夫盡子道且爲祖氏血食計耳今翁姑已安土嗣子且露頭角吾事畢矣遂瞑其女珍娘適梅無子大歸與母相依亦以節終附祭於本宗彥榮公之祀後其事聞於官欽差總憲舒公文豹錫之扁曰青年苦節以旌其門云

鄉進士湖廣湘潭縣知縣子簡張天士頓首拜譔

節婦祖氏端娘傳

祖氏端娘子靜公長女也端莊靜一本自性成比長克明大義動必以禮年十八適在城孫允功未期歲而允功卒氏以弱齡無出誓以死殉翁姑諭之曰爾死固然然如我二老何乃勉進飲食以慰翁姑慙慙懇懇克盡孝敬不敢稍有違怠越三載而翁姑又相繼而歿允功親從上無可依下無可嗣氏以爲吾今可以死矣父母素愛之惜其死強之歸云爾旣知有翁姑獨不知有父母耶氏重傷父母意乃大歸由是

謝絕人事勤執女紅不出戶庭不苟言笑惟依依父母側雖房族之兄弟子侄不肯輕爲接見間有諷其易節者終身作色不復與語苦節五十餘年而卒

論曰女子從一而終禮也或稔年無子改適亦禮所不禁事會所迫至於輕生變而合宜於禮曷悖祖氏端娘旣不肯改適亦不遽輕生翁姑父母恩誼曲盡君子謂之知禮

鄉進士浦城縣知縣霞山李藩拜手譔

節婦燦光公妣周氏暨正盛公妣季氏合傳

節婦周氏子球公之配也生長名門幼習閨範及笄
歸公事舅姑竭誠盡孝得其歡心承夫敬順雖琴瑟
和諧必以德義相敦勗而無燕昵之形惜公懷才弗
展志常抑鬱體素羸又勤于誦讀年方逾壯卽辭世
當其時氏猶妙齡欲從公于地下以二孤尙幼勉自
解獨膺家政晝夜操作不肯稍休訓二子望其有成
延師講誦外仍自督課淒風苦雨冷月寒燈二子讀
書之聲常與機聲相應故其子蚤有譽聞將爲邦家

光矣乃無祿遽謝少婦穉孫躬親撫育始也以妻代夫繼也以母代子婆媳相依艱難萬狀有不堪爲外人道者氏乃以一身受之卒之孫魯林立克大家聲用躋上壽而其媳次子正盛之妻季氏亦以節著僉謂季固賢亦氏有以感之舉報邑侯登諸縣志實秉彝好德之公心也今纂家乘爰合而載之俾後人知慕效焉

浦城縣知縣王裕賓頓首拜撰

汝誠公妣節婦王氏傳

德淳公孺人出本里王氏性貞淑未字時親族內外
卽欽其操行十八歸公二十八而公已逝產一子名
波光纔二歲當公之逝也孺人捨地呼天不忍獨生
絕而復甦者再親族勸諭之不能解尊者持其子示
之曰此藐藐者將誰撫與其死從亡人曷若生全一
脉之爲愈乎孺人乃啣哀忍痛惟以撫孤爲事凡有
家務悉諉伯叔裏足杜門冰霜自凜并絕甘芳盡捐
華飾茹荼服縞自若也戚黨有燕會強邀之堅不起

卽母家切近無大事亦不輕往嚴於訓子不以孤子
少貸延名師修饌豐潔不少吝急望其有成朝夕自
爲督課課功有程弗迫必令補足乃已篝火熒熒母
織子誦午夜常未安寢其子亦克成母志蚤歲卽擅
文名及入泮親族僉爲孺人賀復勸諭之曰今子已
成立年亦非艾矣戚黨之邀可無固拒且藉以少舒
其鬱結亦非禮所禁孺人卒守之不變歷二十餘年
而終其操行之果確如是詩云之死矢靡他孺人有
焉

拔貢生山東館陶縣知縣用前陳振甲拜子譔

述初公傳

道新公字述初邑庠生受業李雲村先生稱入室弟子雲村命其徒各專治一經而道新特邃於易玩辭以會意觀象以明經探微豁冥通之於四書文規言鉅義超超元箸督學阿雨齋肅見而驚歎曰是之謂真經義在師門隆道誼急然諾居官田里能以謹慤化其鄉鄉人奉其言爲著蔡子弟過失惟恐其聞知云

詳見邑志

裔孫戴堯敬書





皇清誥封通奉大夫湖北等處承宣布政使司布政使顯考菁圃府君行述

嗚呼痛哉府君竟棄

不孝等

而長逝耶府君體

素強健歲壬子以溼痰致疾語言蹇澀右手微麻木不仁投以參苓稍驗詎至今夏增劇飲食艱進醫藥亦罔效竟以是至不起嗚呼痛哉

不

孝

等侍奉無狀呼天搶地百死莫贖痛尙忍言

惟念府君立身制行於家庭日用間閭修實踐

及詔

不孝

等以居官行己之要靡不可法可守

乃不獲及身見用於時重以不孝等之不肖弗克闡揚潛德垂之史乘維寢久而不知不傳之是懼用敢茹哀濡血略陳梗槩庶幸邀

當代大人先生省擇焉府君姓祖氏諱率英字莪在一字偉軒晚號菁圃老人先世籍河南固始宋咸平初佑人公諱啓宋者任建州別駕有德政時有前召父後杜母豈期今日復見我祖之頌真西山先生爲之傳公與楊文公億友善遂結廬於浦城上湖里傳築巖之傍世居於閩自

公始再傳爲良器公諱珪仕至兵部尙書六傳
爲去華公諱秀實宣和庚子臚唱第一人靖康
之難公時爲國子博士金人索米太學公廷叱
之被劍擊不殊又與張魏公力排和議終禮部
侍郎予祭葬入祀忠義十二傳爲養吾公諱浩
然幼孤值亂離元至大間棄院長職間關尋母
繭足唐鄧間遇神人示母所在奉以歸事聞一
時名公卿如虞揭輩皆爲詩以歌詠之至二十
六傳爲我高祖平叔公諱奇邑庠生以孫德洪